

A N D R E Æ
V A L L E N S I S

Vulgo del Vaulx Andanensis,

JURIS UTRIUSQUE DOCTORIS,

Et in Alma Academia Lovaniensi SS. Canonum
Professoris Ordinarii,

P A R A T I T L A
JURIS CANONICI,

S I V E

D E C R E T A L I U M

D. GREGORII PAPÆ IX.

Summaria, ac Methodica explicatio.

OPUS NOVUM SCHOLÆ, AC FORO, ET DECRETIS
Concilii Tridentini accommodatum, hac postrema editione magno studio
correctum, necnon triplici INDICE locupletatum.



Es de la Libreria
del Colegio
de la Santa Fe
BIBLIOTECA UNIVERSITARIA - SALAMANCA

V E N E T I I S M D C C X L V

Apud LAURENTIUM BASILIENSEM

SUPERIORUM PERMISSU, AC PRAESIDI

AD LECTOREM.



Um omnium, non modò Philosophorum, sed & Juris Consultorum sententia receptum sit, ut in tradendis disciplinis, à primis principiis, & ab aliis, quæ universaliora sunt, initium sumatur, hincque paulatim ad altiora procedatur, donec ad ultima scientiæ artisve perveniatur vestigia; nec aliter, scientiæ, vel artis alicujus Studiosi, quàm hisce gradibus, ad veram, solidamque eruditionem pertingere valeant; jure optimo à Serenissimis Belgii Principibus constitutum fuit, ut in hac nostra Lovaniensi Academia, non minùs ad Sacrorum Canonum scientiam adspirantibus, quàm ad Legum cognitionem animum applicantibus, Institutiones prælegerentur, quæ non modò prima Juris Pontificii principia contineant, sed totum velut corpus, atque universalem illius cognitionem exhibeant, & quarum ductu Juris Candidati, ne à recto studiorum cursu in avia perducantur, veluti Thesei quodam filo, ad altiora ejusdem scientiæ penetralia feliciter contendant.

Cùm verò ea provincia mihi demandata esset, omneque jus, quo utimur, versetur, aut circa personas, aut circa res, aut circa actiones, & judicia, cœpi quidem primò totum Jus Pontificium, Institutionesque in tres partes, quatuor tamen libris ad instar Institutionum Imperialium comprehensas, dividere; in quarum prima, præmissis nonnullis de Juris derivatione, ejusque divisionibus, subdivisionibus, membrorumque singulorum natura, proprietate, conditionibus, atque inter se tum comparatione, tum distinctione, de Personis agebam Ecclesiasticis; in secunda de Rebus; in tertia de Actionibus, & Judiciis. Eumque ordinem pluribus annis secutus sum: donec quibusdam saadentibus, satius fore, magisque è re juventutis, si ordinem amplecterer Decretalium, quo Juventus, Juri Pontificio data operam, Librorum, ac Titulorum ordini, & continuationi assuesceret, cœpi deinceps, obsecutus horum consilio, ea, quæ pro maxima parte diverso ordinem tra-dideram, ad ordinem Decretalium, non sine magno labore revocate.

Cùm autem in omnibus scientiis rem ordine debito proponendam sapientissimi quique voluerint, meritò culpantur Juris Interpretes, qui plerumque multa locis prorsus alienis tradiderunt; imò sapiùs, miris modis miscendo omnia, omnis generis præceptorum, ac materiatarum farraginem reliquerunt, ut, si quis rusticus hordeum, triticum, fabas, aliaque legumina in unum conferat, vix perturbatiorem horum commentariis acervum facturus videatur: Ita enim, ubi de auctoritate Magistratum agitur, aliquid de testamentis videas; ubi de emptione, & venditione disseritur, de pœnis simul aliquid, aut de auctoritate tutorum invenias, nihilque certam sedem, domiciliumque habere cernas. Unde crebræ illæ ex uno loco in alium rejectiones, quibus, quod hic tractandum erat, ex alio petendum monent; hinc in quo reperiri tale quid, nisi admonitus, ne divinare quidem unquam quis possit. Qua in parte plurimum sanè sese deridendos propinant, ut cum Terentio loquat. Dumque ita extra chorum, ut dicitur, saltant, & septa transiliunt, Jurisprudentiam reddunt intricatissimam, & obscurissimam; efficiuntque, ut diligentis, & avido Lectori sit difficillimum, & operosissimum, quid quoquo loco ab iis dictum sit investigare, & sæpe etiam diligentissimè, & avidissimè perquisita adhuc desideret.

NOI REFORMATORI

Dello Studio di Padova.

COncedemo licenza à Lorenzo Baseggio Stampatore di Venezia, di ristampare il Libro intitolato : *Andrea Vallensis Paratitla juris Canonici*, stampato l'anno 1732. con licenza de' Superiori dal medemo; osservando gli ordini in materia di Stampe.

Data li 3. Marzo 1744.

(Z. Piero Pasqualigo Ref.

(

(Marco Foscarini Cav. Proc. Ref.

Registrato in libro à Carte 28. al num. 181.

Micbiel Angelo Marino Segr.

Alvise Legrenzi Segr.
contro la Bestemmia.

